

Kusenethemba ngokwenyuka koSuthu

MTHOKOZISI MNCUSENI

EsePrincess Magogo Stadium
 AmaZulu (2) 3
 Santos (0) 0

LISAPHILA iphupho laMaZulu lokubuyela esigabeni esikhulu sePremier Soccer League (PSL) emuva kokunqoba kwawo umdlalo obekubalulekile ukuthi awunqobe kuSantos kwiNational First Division (NFD) izolo ntambama KwaMashu.

Usuthu luze emdlalweni lusuka endukwini ka 1-0 eliyiphoswe yiMilano United emdlalweni obuphakathi nesonto eKapa. Lesi sibhaxhu bese kungesibili kulandelana kuMaZulu kweyeligi. Okuthusile ngale miphumela yomibili wukuthi Usuthu belufike kule midlalo kade lunqobe imidlalo emine ilandelana.

Kucace uqala nokho umdlalo ukuthi iqembu lasekhaya lizowaqoqa egcwele kwazise iSantos ifike isivele igencwe yizembe emuva komphumela wangoMgqibelo weFC Cape Town.

Amagoli okuqala amabili kube iphenathi kaSiyabonga Nomvete ngomzuzu ka-26 nelekhanda lika-Ovidy Karuru alingqofe ngoka-36.

Ilog yeNFD	Amaqembu	P	W	D	L	GF	GA	Pts
Thanda	28	15	11	2	46	22	56	
Leopards	28	13	8	7	43	34	47	
Stellenbosch	28	13	7	8	38	27	46	
Royal Eagles	28	12	8	8	49	36	44	
AmaZulu FC	28	13	5	10	47	34	44	
Witbank	28	12	8	8	39	35	44	
Mbombela	28	11	7	10	40	30	40	
Mthatha	28	8	13	7	35	36	37	
Real Kings	28	9	9	10	35	32	36	
Pretoria Univ	28	10	6	12	32	39	36	
Cosmos	27	9	8	10	28	28	35	
CT All Stars	27	7	11	9	20	26	32	
FC Cape	28	7	10	11	33	45	31	
Milano	28	9	2	17	33	55	29	
Magesi	28	7	7	14	28	43	28	
Santos	28	3	10	15	15	39	19	

Ngomzuzu ka-45 uJustin Dawood ukhishwe ngekhadhi elibomvu obese kungelesibili eliphuzi.

Le wini ibeka Usuthu endaweni yesihlanu ku-log ngamaphuzu awu-44 emdlalweni ewu-28.

Kulo mdlalo bamenzele umsebenzi walula umqeqeshi uJoey Antipas ngoba uNomvete ushaya iphenathi yokuvula inkundla nje, ubengabaniki ithuba lokuphumula

abadlali basemuva beSantos.

Esiwombeni sesibili bese kuyiqembu lasekhaya elizenzelayo kodwa kufike kuthombe okhiye kubadlali boSuthu okuyibona abawela kubona amathuba



okwandisa amagoli ngoba kungenzeka adingekke. Wenze obekudingeka uThapelo Nyongo eshaya elesithathu ngekhandana ngoka-66. Kuyadabukisa ukugcwa yizembe kweqembu elinomlando njengeSantos kwazise konke ebikwenza bekusobala

ukuthi isilahlile ithemba. Imidlalo esele kwezika-Antipas, osekhaya neJomo Cosmos, bese zivala ngowasekuhambeni neFC Cape Town.

Imiphumela yeNFD:
 University of Pretoria 3-0 Milano

USIYABONGA
 Nomvete waMaZulu ushaye igoli bebhekene neSantos emdlalweni weNFD ePrincess Magogo Stadium, KwaMashu, izolo ntambama

Isithombe:
 BACKPAGEPIX

United AFC; Cape Town All Stars 1-0 Thanda Royal Zulu FC; Black Leopards 4-1 Magesi FC; Witbank Spurs 3-1 Mbombela United; FC Cape Town 1-0 Mthatha Bucks; Stellenbosch FC 2-0 Real Kings FC; AmaZulu 3-0 Santos; Royal Eagles 2-0 Jomo Cosmos



ASIKHULUME

THUMELA umbono ngalolu daba kuFacebook (Isolezwe), kuTwitter (@isolezwenews) noma umqhafazo ku-45773, Isms ibiza R1,50.

